



Deddf Casglu a Rheoli Trethi (Cymru) 2016

2016 dccc 6

RHAN 5

COSBAU

PENNOD 5

COSBAU SY’N YMWNEUD AG YMCHWILIADAU

Cosb am wybodaeth neu ddogfennau anghywir

152 Cosb am wybodaeth neu ddogfennau anghywir

- (1) Mae’r adran hon yn gymwys—
 - (a) os yw person yn darparu gwybodaeth anghywir, neu’n cyflwyno dogfen sy’n cynnwys anghywirdeb, wrth gydymffurfio â hysbysiad gwybodaeth heblaw hysbysiad cyswllt dyledwr, a
 - (b) os bodlonir amod 1, 2 neu 3.
- (2) Amod 1 yw bod yr anghywirdeb—
 - (a) yn fwriadol, neu
 - (b) yn deillio o fethiant ar ran y person i gymryd gofal rhesymol.
- (3) Amod 2 yw bod y person yn gwybod am yr anghywirdeb ar yr adeg y darperir yr wybodaeth neu y cyflwynir y ddogfen ond nad yw’n hysbysu ACC ar y pryd.
- (4) Amod 3 yw bod y person—
 - (a) yn darganfod yr anghywirdeb yn ddiweddarach, a
 - (b) yn methu â chymryd camau rhesymol i hysbysu ACC.
- (5) Mae’r person yn agored i gosb heb fod yn fwy na £3,000.

Statws *This is the original version (as it was originally enacted).*

- (6) Pan fo’r wybodaeth neu’r ddogfen yn cynnwys mwy nag un anghywirdeb y bodlonir amod 1, 2 neu 3 mewn cysylltiad â hwy, mae cosb yn daladwy am bob anghywirdeb o’r fath.